

# Sonnet IV (L'Olive)

L'heureuse branche à Pallas consacrée,  
Branche de paix, porte le nom de celle  
Qui le sens m'oste, et soubz grand'beauté cele  
La cruauté, qui à Mars tant agréée.

Delaisse donq'ô cruelle obstinée !  
Ce tant doulx nom, ou bien te monstre telle,  
Qu'ainsi qu'en tout sembles estre immortelle,  
Sembles le nom avoir par destinée.

Que du hault ciel il t'ait été donné,  
Je ne suis point de le croire étonné,  
Veu qu'en esprit tu es la souveraine :

Et que tes yeux, à ceulx qui te contemplent,  
Cœur, corps, esprit, sens, ame, et vouloir emblent  
Par leur douceur angelique, et seraine.

Joachim Du Bellay (1522–1560)